



কেন্দ্রীয় মন্ত্রিসভা

# অন্যান্য অনগ্রসর শ্রেণীর প্রার্থীদের চাকরিতে সংরক্ষণের স্বার্থে বিভিন্ন রাষ্ট্রায়ত্ত সংস্থায় সরকারি পদের সমতুল পদ সৃষ্টি : নিয়মাদর্শ চালু করতে সম্মতি কেন্দ্রীয় মন্ত্রিসভার অন্যান্য অনগ্রসর শ্রেণীর প্রার্থীরাও উপযুক্ত কাজের সুযোগ লাভ

Posted On: 31 AUG 2017 12:57PM by PIB Kolkata

অন্যান্য অনগ্রসর শ্রেণীর প্রার্থীরাও যাতে উপযুক্ত কাজের সুযোগ লাভ করতে পারেন সেই লক্ষ্যে বিভিন্ন রাষ্ট্রায়ত্ত সংস্থা, রাষ্ট্রায়ত্ত ব্যাঙ্ক, বিমা সংস্থা ইত্যাদিতে সরকারি পদের সমতুল পদ সৃষ্টির জন্য নিয়মাদর্শ গড়ে তোলা সম্পর্কিত এক প্রস্তাবে আজ সম্মতি দিল কেন্দ্রীয় মন্ত্রিসভা। প্রধানমন্ত্রী শ্রী নরেন্দ্র মোদীর নেতৃত্বে অনুষ্ঠিত হয় মন্ত্রিসভার এই বৈঠক। এর ফলে, বিগত প্রায় ২৪ বছরের ঝুলে থাকা একটি বিষয় আজ ছাড়পত্র লাভ করল।

মন্ত্রিসভার এই সিদ্ধান্ত গ্রহণের ফলে বিভিন্ন রাষ্ট্রায়ত্ত সংস্থা এবং অন্যান্য প্রতিষ্ঠানে অপেক্ষাকৃত নিচের তলার কর্মীদের সম্ভাবনা অন্যান্য অনগ্রসর শ্রেণীর জন্য সংরক্ষিতপদের জন্য আবেদন করার সুযোগ লাভ করবে। শুধু তাই নয়, অপেক্ষাকৃত উচ্চ তলার কর্মীদের সম্ভাবনার রাষ্ট্রায়ত্ত সংস্থাগুলিতে সমতুল পদের অভাবে ‘নন-ক্রিমি লেয়ারে’র অন্তর্ভুক্ত বলে চিহ্নিত করার প্রবণতাও তাতে বোধ করা যাবে। আয় ও উপার্জন সম্পর্কিত বিধি-নিষেধ ভুলভাবে ব্যাখ্যা করার জন্যই এই প্রবণতা লক্ষ্য করা যেত। ক্রিমি লেয়ার সম্পর্কিত বিধি-নিষেধ আরোপের ক্ষেত্রে বছরে ৬ লক্ষ টাকার আয় ও উপার্জনের যে উদ্ধরসীমা বর্তমানে চালু রয়েছে, তা বাড়িয়ে বছরে ৮ লক্ষ টাকা করারও সিদ্ধান্ত নিয়েছে কেন্দ্রীয় মন্ত্রিসভা। ভোগ্যপণ্য মূল্য সূচক বৃদ্ধির সঙ্গে সঙ্গতি রেখেই আয়ের এই উদ্ধরসীমা বৃদ্ধি করা হয়েছে। এই ব্যবস্থায় সামাজিক দিক থেকে যে সমস্ত ব্যক্তি বা শ্রেণী (ক্রিমি লেয়ার) এখনও যথেষ্ট এগিয়ে রয়েছে, তাঁরা এর ফলে অন্যান্য অনগ্রসর শ্রেণীর সুযোগ-সুবিধা আর ভোগ করতে পারবে না।

অন্যান্য অনগ্রসর শ্রেণীভুক্ত মানুষদের জন্য সামাজিক ন্যায়ের পরিধি প্রসারের লক্ষ্যে সরকারের নিরন্তর প্রচেষ্টার এক বিশেষ প্রক্রিয়া হিসেবেই মন্ত্রিসভার আজকের সিদ্ধান্ত। প্রসঙ্গত উল্লেখ্য, অনগ্রসর শ্রেণীগুলির জন্য গঠিত জাতীয় কমিশনকে এক সাংবিধানিক মর্যাদা দানের লক্ষ্যে সরকারের পক্ষ থেকে ইতিমধ্যেই সংসদে একটি বিল পেশ করা হয়েছে।

PG/SKD/DM/.... 30th August, 2017....

(Release ID: 1501316) Visitor Counter : 2

## Background release reference

বিভিন্ন রাষ্ট্রায়ত্ত সংস্থা, রাষ্ট্রায়ত্ত ব্যাঙ্ক, বিমা সংস্থা ইত্যাদিতে সরকারি পদের সমতুল পদ সৃষ্টি

